

# Hylli i Dritës

*Ubi Spiritus Domini, ibi libertas.*

(-II ad Cor. III, 17-)

1. Koha e ardhshme e Shqypnis	Fq. 49
2. Shë Hieronymi i Hyllas	59
3. Numri i parë i popullsis në Shqypni	65
4. Prozodi Latine	71
5. Trajtimi i „Karakterit“	75
6. Veprimi i Kshillit Kombtar në vjeten 1922	82
7. Ruhr	85
8. Lajme	90
9. Bibljografi	96

SHKODER

Shtypshkroja Franciskane

1923

## Posta e jonë.

**Pajtimtarëve** qi paten mirsin me ndalë Numrin e parë, tuj diftue kso dore se dojshin me vijue në pajtim edhe per vijeten 1923, u falena nderës me zëmer e pernjherë u lutena të ken mirsin me u ndreqë sa mâ shpejt me zyren e Marshtrimit të ksajë së Perkohëshme.

**Vjenë. Dr. B.** — Mos u merzitni. Dy letrat i muerem, por nuk patem si me u pergjegjë pa e kjarue pûnen. Dy numra tjerë të së Perkohëshmes qi na derguet, i muerem. Kemi uzdajë se javen qi të vije do të mund u shkruejmë, tuj u dhânë kjarimet e nevojshme.

**Fier. N. Gj.** — U falena nderës per kujdes qi diftoni per të perhapun të së Perkohëshmes. Kemi uzdajë të plotë se lista e pajtimtarëve, neper zëll t'uejin ka me u shtue perherë mâ teper.

**Krue. F. Ç.** — U kemi dhânë të gjegjun edhe me sakrim, por na kandet kiû me ju u falun nderës edhe nji herë per pajtimtarë të ri, qi deshtët me na sjellë. Dishiret jemi mendue me jati çue në vënd sa mâ mirë qi mujtem. Presim t'gjegjun. Shum shndet.

**Korçë B. V.** — Per ket herë nuk mujtem me i ardhë dishirit t'uej e sa per mâ vonë, per në mos kjoft' teper vonë, kemi me u mundue me bâ si të na msoje koha.

**Lesh. Z. D.** — Na prej anës s'onë mundohemi me u ardhë dishireve të pajtimtarëve; miradija e lypë qi edhe pajtimtarët të diftohen t'ardhëshem ndaj Drejtimin e të mundohen per të perhapun të së Perkohëshmes: âsht n'interesë të gjith komit.

**Bari. N. I.** — U muerem vesht gjithsesi e masi nuk âsht pûnë qi bâhet kemi me u sjellë njeti. Shum shndet.

# HYLLI I DRITËS

Vjeta IV.

FRUER 1923

Numri II.

## Koha e ardhshme e Shqypnis.

Si prej titullit merret vesht, na kû duem me skjyrtue, palë një herë se si do t'endet fati i Shqypnis tash e mbrapa. Me tjerëra fjalë duem t' thomë kta: kjo Shqypni, qi duel Shtet m' vedi neper mjet të do faktorvet, per të cillt do t' flasë dikuer historiija, a thue mund do t' mbahet e si mund do t' mbahet m' kamë prej Shqyptarësh, pa mjet t' cillvet, (si mson historiija,) me jetue nuk mundet. Nuk është mjaft qi lulet t' çilin, por duhet edhe qi të lidhin, per me u pjekë pëma. Mjaft kanga është kundue, mjaft flamuri është zhvillue, mjaft edhe e kremtija pa punë është shkue, per gzim qi na duel Shqypnija m' vedi: është koha një herë, qi Shqyptarët të gjith, por sidomos njatà qi janë a ja kan njëjtë vedit ëm-nin intelektual, t' ja vën gishtin krës e nijmendsisht t' të mendohen, se kû do t' dalim me ket Shqypni, e masandej, jo me dredhë balkano-azjatike, jo me avokaturë bizantine, por me burri shqyp-tare t'a diftojnë mendimin e vet, tue zblue varrët, qi mundet Shteti me pasë, tue diktue mjekimet e nevojshme e të perkueshme me ato varrë, abollà mos të pezmatohen e mos të kalojnë n'irizë a se në kankrenë. Po kje se na të gjith kemi një qellim të vetun në të mbajtunt e Shtetit shqyp-tar, na, nder çashtje atdhetare e shtetnore, s' do t' këm shka t'i mshefim shoqishojtë as pse të ruhna me fjalë dykuptimshe e dredhacake njani prej tjetrit. Shqypnija s' është më teper e një misit të Kshillit të Naltë, se e një blegtores, qi ruen ftujat maleve t'ona. Është kot me mahitë vedin e tjerët, tuj u dhënë fjalve një kuptim jashta atij t' fjalorit, e tuj u

